

第一三三七册

四庫全書

●上海古籍出版社

本冊目次

存研樓文集
香屑集
鹿洲初集

清儲大文撰……………一

清黃之簡撰……………三七五

清藍鼎元撰……………五六七

欽定四庫全書

集部
存研樓文集卷二

詳校官中書_臣陸湘

助教_臣常循覆勘

總校官知縣_臣繆琪

校對官中書_臣李荃

謄錄監生_臣王焜

欽定四庫全書

集部七

存研樓文集

別集類六

國朝

提要

_臣等謹案存研樓文集十六卷

國朝儲大文撰大文字六雅宜興人康熙辛丑

進士官翰林院編修大文初以制藝名歸田

後乃潛心古學尤究心於地理故全集十六

卷而論形勢者居七卷凡山川阻隘邊關阨

欽定四庫全書

存研樓文集

塞靡不詳究如荊州論至十一篇襄陽論至

七篇廣陵西城一篇推求古今城郭異地山

川異名援據史籍如繪圖聚米當年進退攻

守之要成敗得失之由皆口講而指畫之他

家作史論者多約畧大概以談兵作地志者

多憑藉今名而論古

國朝百有餘年惟閻若璩明於沿革大文詳於

險易若顧祖禹方輿紀要考証史文雖極博

洽往往以兩軍趨戰中途相遇之地即指為
兵家所必爭不及二人之精核也惟邊塞以
外如西域諸部蜀徽各番驗之往往不合蓋
當時道路未通異域傳聞圖經不備不能及
今日

天威者定得諸目睹之真勢使之然固不足怪耳
其他雜文間有隸事太繁之失而徵引典博
終勝空疎但取其所長可矣乾隆四十五年

欽定四庫全書

十二月恭校上

總纂官臣紀昀臣陸錫熊臣孫士毅

總校官臣陸費蟬

欽定四庫全書

存研樓文集卷一

編修儲大文撰

頌表

聖壽無疆頌

謹序

詩大序曰頌者美盛德之形容以告成功者也蓋六
義與指于斯為盛自漢以降始與箴銘贊辭並列雜
文限於古律而不能騁於文多做序議格去詩旨浸

欽定四庫全書

存研樓文集

遠其義亦日以放失獨黃門郎揚雄議郎蔡邕奉勅
頌功臣最為斟酌於古自漢季文弊六朝沿習俳語
尤喜著頌至唐吏部侍郎韓愈禮部員外郎柳宗元
始用古文辭振之然古者形容盛德之旨遂以希濶
寥簡而愈宗元諸雜文要不為不深於詩者有宋士
大夫不深考其源流一以曉暢事理為宗於是古文
詞與詩畫然為二而周漢金石筦絃鏗鏘鼓舞之遺
蓋畧盡矣然則六朝之於詞宋之於義要為得失參

半至明而詞義胥失焉豈惟揚厲之旨闕而不講此
亦有事於經者之所宜奉奉也臣竊不自揆嘗撰平
北頌畧發斯旨今伏聞

皇帝陛下駐蹕吳中適會萬壽節雖山農野老皆得躬
面

天顏奉觴上壽無任懼忭謹復謨頌一首并先述其源
流如右以俟宗工傑儒通經而深於知言者決擇可
否且以寓臣區區忠愛之誠焉其辭曰

欽定四庫全書

存綱樓文集

二

大哉皇矣受天之冊爰撫萬邦海外是一恭惟我

皇聿紀四葉於萬斯年以秩天歷天歷維何歲越在昔
其耦維午其奇維甲木直火炎季春之月桐華萍生陽
氣發泄勾者畢出萌者畢達維天降監望越三日恭惟
我

皇乘震而出乃聖乃神允睿允哲越在冲齡昭哉嗣服

二

祖一

宗于京對越以咨文武以平征伐以洽神人以靖邦國
阻深閭汶殊黨違絕以罔不貢以罔不恪蕩蕩巍巍兢
兢業業日慎一日不自暇逸亦越保傳厥壽平格亦越
法從厥班耆碩守令增秩倉庾講族亦越閭黨深山大
澤扶杖而觀期頤耄耄耄四隩九州八荒六合以罔不臻
仁壽之域人亦有言九九松柏厥或承之爰兆其蓂莢
惟我

欽定四庫全書

存綱樓文集

三

皇厥祀千億既植既萌厥受天錫天錫維何重休襲吉
越在紀年三十有八聿巡南服自江暨淞溺者胥宅飢
者胥活適者胥蠲繫者胥釋士奮庠校商歌衡輶人亦
有言曰攸好德神用錫之其祉繹繹矧德廣運胥屆胥
徹天其申錫服休無數申錫維何辰柄載揭維旦丁亥
旭日有赫厥鼓載考厥球載擊不戒而孚有來竭竭黃
耆台背拜手陳說臣生庚子犬馬齒百

國家開創觀記所及

列聖相承休養生殖民不知兵土地壅閼臣長孫曾臣

老而佚亦有子衿瞻瞻黃髮上言

國家樂育教育以迄今日斐然文學

帝曰俞哉曰有別勅所司設珍棗栗飴蜜捧手拜言今

萬壽節

聖壽無疆臣謹聞訖是日四方聞之大悅走相告語匪

天淵默爰聽民耳爰視民目請書此語以象符尺恭惟

我

皇永世克協衡隨聖信準平繩直微臣作頌爰贊歲榮

欽定四庫全書

存御樓文集

四

願自今往日中至景彌億萬年行健不息以昭永永與

天無極

平北頌

謹序

臣聞殷伐荆楚高宗采入周伐淮徐嘗再命將往宣

王辛自將平之而是時詩人爰著殷武常武之章以

揚厲偉績然後二代之業炳耀鏗鏘永永無極漢京

繼建文頌聿興而封禪典引詞雖工而道不叶若乃

嗣殷周之軌總雅歌之文事敷言悠模措百代者獨

唐右庶子韓愈平淮西碑一章雖不名頌而義實宗

之然鐫石未久卒用言者剗去蓋文章之振難矣宋

室百年古文再振然自中書舍人曾鞏外詩人之義

胥無聞焉明建文成宏鏡歌廟樂士大夫間能擬作然

多襲漢魏之遺響而不折衷於道蓋文章寢衰而功

烈之不競亦以甚矣伏惟

皇帝陛下繼天體物聖神文武自即位以來平三孽建

臺灣屬國賓服六合清謐而頌以尼魯特噶爾旦之

欽定四庫全書

存御樓文集

五

躡我邊氓也怙惡不悛然後決意

親征六飛三駕犁其庭俘其子曾不煩寸鐵之遺斗糧

之費而噶爾旦望風溢裁族屬頓首請命此雖黃帝

征涿鹿帝舜格有苗何以尚焉如殷武常武之所歌

恐不足以望清光仰末塵而況自漢以下泯泯紛紛

無得而紀者哉蓋昔詩人著頌而姬尹史闋皆以公

卿大夫勒簡比絃今文學之臣上則宰輔侍從下則

宿儒傑師瑰璋相望其能作為文章深臨典寶以軼

兩京元和嘉祐之詞而復今之橫吹凱奏於殷周之

隆雖更僕數之未易殫竭臣山野末學不諳

朝廷典故凡山川阨塞兵畧進止之宜舉無能與聞然

猶得與時鳥候蟲同鳴太平竊見

國家文治武冠度越千古無任踴躍謹著平北頌一篇

繕寫

上進雖自知蕪陋摹畫

天功罪難摧媛而卒無敢自止以斟酌前代庶幾於詩

欽定四庫全書

存明樓文集

六

人揚厲之義此則臣之尤倦倦者也其辭曰

聖清受命爰撫萬邦

太祖

太宗我武載揚恭惟

世祖普天是疆我

皇配之休有烈光恭惟我

皇登三成五靡有一物不得其所允聖允神允文允武

平閩平粵平滇暨楚爰平臺灣平俄羅斯維喀爾喀爰

偃七旗舍曰荒絕載須格思舍曰疏未載青籍思過鳴
爾且匪靖匪茹刈我屬國踪我近鄙

帝曰吁哉朕用戒汝越汝生口匪遑啟處彼渠閭聞邊

氓載號

帝曰吁哉朕敢憚勞以順殄逆矧不崇朝有煒彤弓勿

載勿纒赫赫我

皇師出以律自來自西實整實密維此五月爰先士卒

自克魯倫我旅載載我馬載驤我士載歌彼渠其遁于昭

欽定四庫全書

存明樓文集

七

木多西師躍出載奔載瘞猗與我旅折首則那赫赫我

皇無弛明略其畧維何兩軍命率其率維何揚古受鉞

暨濟南達林隆恩克爰駐兩軍喀倫蘭州爰遏其援爰

來爰柔我

皇凱旋匪豫匪絳維此冬月濟河之洲我

皇至止鄂爾多斯彼渠來掠薄言撫之彼俘來附薄言

綏之既育既憚薄言宜之彼渠曰歸渠實不信爰駐大

師古雲中境維此二月禁旅三令維此塞堡

車駕三幸維狼居胥龍旗幸開亦越屬國曰哈答回曰受

國恩謹師北狄鳴爾且子謹俘以來亦越歸已頓首載

疎亦越濟農奉琛載貢亦越彼渠部族親從載伏載欵

載懇載聳維鳴爾且罔悔罔悛維厄魯特是尤是誓于

以討之維三閱邇予以滅之維期決年厄魯特平爰實

書策維閏三月十有三日維鳴爾且仰藥自殺爰以尸

來維丹濟喇厄魯特平以莫不處維此邇氓于時載語

維彼不順聿俘子女維昔孔震維今孔豫厄魯特平以

欽定四庫全書

存續樓文集

八

莫不殺維此屬國于時載告維丹濟喇聿暨部族維昔

孔搖維今孔蹙無曰窮漠莫子克圖維鳴爾且載檻載

毋無曰荒服莫子克繫維鳴爾且載繼載羈無曰初旅

莫子克縛維鳴爾且載揉載握恭維我

皇獨斷而克維明克融維威克鏢恭維我

皇克廣厥仁爰奮厥怒以祉生民武節是戢懿德是陳

秩秩辟靡式振金聲

三泉頌謹序

塞外行師掘井

聖謨也迺巴爾幾烏瀾和碩哨口地在喀倫外冰雲時

又未釋甘泉脩涌師行以濟塔爾奇喇地尤遠出泉

亦類巴爾幾烏瀾巴顏土庫烈圖起挖陵距克魯倫

河一舍衆憂乏水而山岡泉盛涌此照磨多之祥也

謹頌曰

天符地苞醴源感沸養而不窮收而勿棄其視井也奚

啻倍徙計而實遠則歐德近則鄂羅多斯掘井百之淵

欽定四庫全書

存續樓文集

九

算密機所積感而潛致也曰其斯以為舜乎夫濬詰文

明舜也大智

豫爾呼籲

蓋克魯倫河左右壤駝馬牛羊胥宜食豫爾呼籲蓋豐產

者有年矣而

六飛載駕而兀阿思哈圖山也巴顏烏闌也土喇河西

阿喇克山也孟納爾山也拖陵訥山也塔爾吉爾即山

也西巴爾台也察罕布喇克也忒布喇克也拖陵布喇

克也郭爾羅思也額爾德尼拖洛海克魯倫布隆也克魯倫布隆也扎克塞也克勒和朔布爾車克也塔爾渾柴達木也顧圖爾布喇克也交轡接軫盈盼匪望胥豫爾呼梵梵哉豫爾呼懷懷哉豫爾呼

頒六十年時憲書賀表

康熙五十九年

聖德同天御極綿長為古今未有之盛孟冬朔旦頒六十年時憲書普天同慶羣臣奏表恭

賀者伏以

欽定四庫全書

存研樓文集

卷一

帝德統三才首叶履端之紀

皇圖綿萬禩長宣欽吳之文數窮時刻分秒而無差璿璣符運厯衍章節紀元而彌永鴻寶垂休稽成憲以寅清當令時而辰告歡騰匝地瑞應司天臣等誠懼誠忤稽首頓首上言竊惟日之行天也三百六十五度而惟辟崇效其軌天之去地也九萬一千餘里而惟聖仰協其籌輪轉北而物遂生輪轉南而物匪遽謝暑極長而時迎暑暑極短而時復迎寒是以曜璿璣於霞莊載占

玉斗湛珠衡於月館聿驗紫樞維人皇踐祚之尤長亦

太昊膺期之浸久他如觀成東嶽尚階衛室之觀以逮

用享西岐未合鈞臺之運始系天君系人大系地釋詁

備析其文寅統人丑統地子統天居正迭昭其義星既

傳於甘石術亦辨於魯秦太初本黃鍾八十一分以甲

為陽以子為陰以夜半為吹葭之候大衍用靈蓍四十

九數以卦當歲以爻當月以刻漏當揲策之全年法日

法遞增小餘大餘咸析未有時逢泰長八方昭大有之

欽定四庫全書

存研樓文集

卷一

和命洽異申六合啟同人之會如今日者也茲蓋伏遇

皇帝陛下動符行健靜體永貞存水含元水湛千年之

色兼山配極山呼萬歲之聲鵲聲城邊直開重峽崔離

關北早渡雙河西方獻益地之圖豈止貢於蒼水南極

奉延年之錄亦奚假於金庭當六十歲之初週正億萬

齡之甫肇黃雲夜朗青氣日扶滋甘露於朱萸翠清風

於翠筵固已殊祥疊至伯益不能紀其名嘉瑞駢臻大

抗不能研其數而况

國家之明備尤擅歷法之精微晷刻日星晝有測而夜有測球分天地仰可窺而俯可窺太始索幾何之原太虛探宗動之表圖斯類線直亦成弧推八變以來器象獨用乾元之九溯六家而上千支直符皇極之三於是月值祈年且惟布政乃用頒乎遐邇爰胥洽乎士民周天則全算差縮周歲則全算差贏案無所施於贏縮難加之數上推則百年減一下推則百年增一抑奚所庸於增減莫定之幾戶展瓊編詎必銀繩玉簡家藏瑤帙不啻金策寶符臣等生際授時業漸靈憲任乘五運乘五王曹之圖錄未尋年紀千歲紀千孔許之歷書莫考在虛在斗謹察日行惟畢惟箕幸詣星好向介邱而展事雖多謝於祥鸞望魏闕以馳誠思攀榮於賀雀伏願一中凝命六氣調元華蓋十八庫樓二十九爭環寶座南斗廿五東井三十四競拱紫垣拂拭右旋不出黃圖之域扶桑左轉載遵赤縣之封迓紀散則如日斯升躋大年則後天不老而作訛成易時雍永列乎堯民寒燠

欽定四庫全書

存明樓文集
卷一

三

雨暘時若恒占平箕範矣臣等無任踴躍惟忭之至

黃河澄清謝表

雍正七年

聖德覃敷運當清宴黃河數千里澄清羣臣恭奉表稱謝者伏以

帝德協平成四瀆著澄清之象

神功垂格被萬川彰鑑澈之幾行由地中偕坤輿而奠定來從天上法穹昊以昭明頌滿波臣歡騰澤國臣等誠惶誠恐稽首頓首上言竊惟百川以海為宗六合惟

欽定四庫全書

存明樓文集
卷一

三

河最遠派探星宿始東達於崑崙流滙亦賓復北趨於積石熙蘭岸東長聞百里之唱咍豐勝峽開直作萬雷之噴怒雲隨山轉龍門接乎三門雲遂波移大伾沿乎大陸九曲之波何可復尋百泓之源固以彌遠雖曰道元註水南有清河而北有清河無如賈讓規限東則距齊而西則距魏一石而泥數斗其視濁渾濁漳也殆有甚焉千丈而清見底其擬浙溪湘溪也不亦遠乎繇是津留白馬山誌黑羊一片淮南還愁海若或疑江上當

祀湯堯未有究瑤錄之殊休具琅函之珍貺如今日者
也茲益伏遇

皇帝陛下得一以清吹萬咸協瑤枝結慶卿雲垂華蓋
之文瓊液浮甘寶露綴金莖之色黃鸝紫穗萃仙穎於
中遶翠楚丹竇樹靈林於上序既重輝之合璧復五緯
之連珠而累譯同歸殊徽狎至東郭擢穎不足以供瑞
牒之雲毫南溟運鵬不足以殫惠颺之風力

恩稱天覆符應河清下達徐邈若木千枝之界上通潼

欽定四庫全書

存明樓文集

十四

渭玉蓮十丈之方莫不光比漢機桂掄歷歷照同秦鑑
瑤碧森森彼獨孤及之章曾未詳其曲折雖鮑明遠之
頌亦難罄其形容從此績軼宣房勲隆浚澮相濟州相
歸德笑賈成議異中書主六塔主孫村輕文富識慚元
老栗飛陽武衛河寧必紀汲郡之書稻輓瑯琊水道何
事考膠萊之蹟誠寰中所罕邁抑載籍所希傳臣等功
昧祭川識非觀海河平碑勒學難妄異於圭齋溝洫志
成才益遜長於班氏當崇階之通錫飲泉竊勵官箴况

謳頌之頻聞監水尤思治象伏願化周禹甸祉普先天
西清侍從之班水壺長映秋月南國省堂之任玉瑄胥
協春風則農紀祥炎行將濯蘭纓於鳳水軒圖瑞荷不
但泛花綬於雞林而太史之河五色寶光若鏡天孫之
石七襄異米成裳矣臣等無任激切屏營之至

擬唐命殷仲容摹延陵十字碑進表

開元

伏以道績大成一畫申頒異命蹟雷小學六書重耀離
明稽古以崇賢分職集賢之院披文以象德馳神嘉德

欽定四庫全書

存明樓文集

十五

之門曹司矧備冬官卷帙敢忘夕考祇陳謏陋少効涓
埃臣仲容誠惶誠恐稽首頓首上言竊惟生人以來莫
盛於洙泗南方之學實始於延陵近軼子臧遙承泰伯
出使而樂聞六代遂開龍角之文明將兵而年躋百齡
不數水犀之雄武行獲詳於禮記譽復顯於春秋蓋大
江而南豪傑之士齊言偃故踰淮而北哀誅之詞出孔
門書其字而不書其名紀其國而并紀其邑永作千秋
之範標為十字之碑地望平墟圖經入覽湖連射貴越

絕成編組山之車馬已非遺聞宛在昌里之園池難問
殘刻歸然彼夫韻造黃墳禹垂蒼夏帖傳秦已何殊高
晏之觴文誌景申不辨大蒐之鼓汲冢則體存魏策峰
陽則却轉秦灰比諸鄭風其細已甚擬之指國以下無
識惟茲光燭麟符映壁間之漆簡寧至形訛烏篆疑甕
內之丹書但今古制殊眈球威傳於鉅鹿恐高卑勢變
杜預莫保於漢濱幸俟熙朝式昭法物茲蓋伏遇皇帝
陛下功臻知化識兆見微內難則平定禮而肇行通祀
欽定四庫全書

存研樓文集

十六

外虞靜謐秩祭而單及前賢正文字之原不但孝經集
註韻列英之部豈徒六典分官鳥跡由是開天象胥於
馬協地乃猶思深造蠡嗜鳥墨數謂至聖僅存此畫矣
帝書夢之鼎若衆人莫欽其實將類比千之盤既妙畫
之沉淪亦英標之零落臺邊掛劍空憶徐君境上獻衣
誰為鄭相事以流傳而日遠物因拂拭而彌新爰有藉
於臨摹宜博求於耆碩在昔昭陵訪購法書則秘監署
名迄夫麗正遷藏官本則侍臣檢校手追義獻真行莫

定瘦肥目注王徐紙筆尚煩坐臥况杜林絕學久廢訓
詁而曹憲古文時亡指授宣期制旨下屬庸虛臣仲容
陳郡陋儒長平寒賁坐移宮漏不逮永興之論書題滿
禁門初非越國之工隸然敢雕鏤日月刻畫雲雷寔以
代襲素風家傳舊業談追正始典午中軍孝恪神明有
媿給事博物推於五總比年價定賀韋契友堅於八人
此日望高蕭李清時羣從共披賢詒之真圖皓首餘生
期著貞臣之行牒幸聖神御宇誤采虛名當儒學司權
欽定四庫全書

存研樓文集

十七

適符雅志游藝情同於加謚釋文義切於雷祠闕下推
尋或似蔡邕之貌尼山髣髴庶幾有若之言雖規正必
待珠英抑箴戒無忘金鑑伏願午銜徐展乙帳常披闕
里幸臨旋紐察壇前之檜晉陵職貢清芬踰峯頂之茶
則音曲不度夫伊涼而聲教自通於蒙詔矣臣仲容無
任瞻天仰聖激切屏營之至謹奉表恭進以聞

存研樓文集卷一

欽定四庫全書

存研樓文集卷二

編修儲大文撰

雜著

審勢

蓋至周制而有公國之孤公之孤四命執皮帛乘夏篆服自希冕而下是也其尊之者曰諸公燕禮云設諸公之坐鄭氏注曰公孤也王朝亦尊之曰大客大行人鄭

欽定四庫全書

存研樓文集
卷二

氏注大客謂其孤卿賈氏疏大國得立孤一人孤來聘侯伯已下無孤使卿來聘也而賈氏又疏冢宰曰殷之牧下天子使大夫三人為三監至周使伯佐牧不使大夫孔氏疏三監則曰周則於牧下置二伯亦或因殷使大夫為三監又曰大國公孤一人而燕禮云諸公者容牧有三監如孔氏說是孤之枋寢埒二伯也然而繇周初訖春秋孤殊尠克自振拔以勲猷垂諸簡冊者蓋其職秩隸於公裁與大國上卿埒故疏亦裁以叔孫紇寔

孤雖來聘得特見而不如天子大夫之恒足以自達於天子也禮王制曰天子使其大夫為三監監於方伯之國國三人鄭氏注曰使佐方伯領諸侯孔氏疏曰天子使其大夫者謂使在朝之大夫往監於方伯每一州輒三人三八二十四人崔氏云此謂殷之方伯皆有三人以輔之佐其伯謂監所領之諸侯也王制又曰其祿視諸侯之卿其爵視次國之君其祿取之於方伯之地夫大國次國小國胥夏制則夏后氏亦容設之此夏所以

欽定四庫全書

存研樓文集
卷二

三

中經羿浞之亂泊其末造都孟門以自固外有韋顧昆吾之驚悍而國勢不分殷訖末造且百戰百勝淮奄諸巨國雖社既墟猶若有以監領之而胥奔命恐後者而曾不如周東遷之依晉鄭而其後且齊晉秦楚迭興也孔氏疏又曰尚書使管叔蔡叔霍叔為三監者謂武庚也與此別也而其實即因殷之職秩而使之且庸知非監殷事不效乃一變殷制業於牧下置二伯復益密其制而盡設齊宋諸國公之孤耶是所謂因殷而特損益

之也然而封建之宜監於殷制也滋亟

審勢

王制辨論官材獨專於司馬雖司徒造士亦屬之蓋邦國大事在祀與戎而戎事尤安危治亂之所繫故司馬之於官材雖無不辨論而定以戎兵為首務也周禮司士掌羣臣之版以治其政令歲登下其損益之數辨其年歲與其貴賤周知邦國都家縣鄙之數卿大夫士庶子之數以德詔爵以功詔祿以能詔事以久真食鄭氏

欽定四庫全書

存問樓文集

三

註亦引王制證之王制傳為夏殷制而周禮司士寔屬於夏官司馬賈氏疏亦謂與大司馬進賢與功同然則司馬之辨論官材不必盡如夏殷而其重戎事寔同司士凡邦國三歲則稽士任而進退其爵祿蓋六服胥同之此所以能佐大司馬建邦國之九灋以佐王平邦國而又以九伐之灋正邦國也近世名臣惟高新鄭掌銓時請選擇進士知兵者歸兵部四司晉至兵備巡撫總督以暨兵部在京二侍郎胥豫儲而遞陞之無與他

官互遷補為重有合於司馬辨論官材論定後官司士以功詔祿以能詔事之旨江陵仍之彌收厥效此寔樞筦暨平章軍國者之所宜重加意也

審勢

大司馬職中夏教養舍曰帥以門名鄭氏註曰以門名者所被徽識如其在門所樹者也軍將皆命卿古者軍將蓋為營治於國門魯有東門襄仲宋有桐門右師皆上卿為軍將者也賈氏釋曰云軍將皆命卿

欽定四庫全書

存問樓文集

四

者欲解帥以門名之意止繇卿居於國門使為軍將故軍將得以門為名云古者軍將蓋為營治於國門者此解軍將得以門為名者止繇非常之急要在於門故使卿在門任而營治其門故也又曰云魯有東門襄仲者按昭三十二年左傳云魯文公薨而東門遂殺適立庶魯君於是乎失國公子遂字襄仲號為東門止繇居東門宋有桐門右師者案春秋左氏傳昭二十五年春叔孫婁聘於宋桐門右師見之註云

右師宋帥樂大心也其室居桐門故曰桐門右師是宋有桐門右師也引之證將帥得以門名之事蓋古者立國建門之制若此後世雖有城門校尉門候監門衛諸職而不能如古者之命卿營治國門故朝命將帥署第或遠雖有防禦之責而事變卒起恐無以禦非常之急如宋御營使李綱行委巷中幾二十里惟恐敵騎之業登城其弊已可概見而敵以卒登門墜門樓卒裂則城中雖欲奔救之而緩不逮事如宋欽定四庫全書

存明樓文集

五

之南薰門金之蔡州西門明之太原小南門北平屏則門其概畧也抑左傳僖三十二年杞子使告於秦曰鄭人使我掌其北門之管若潛師以來國可得也然則卿居國門非直備圍守非常之急亦所以備潛師也

審勢

夏官挈壺氏下士六人史二人徒十有二人鄭氏註曰壺盛水器也世主挈壺水以為漏經曰挈壺氏掌挈壺

以令軍并挈轡以令舍挈轡以令糧鄭氏註曰鄭司農云挈壺以令軍并謂為軍穿井井成挈壺縣其上令軍中士衆皆望見知此下有井壺所以盛飲故以壺表井挈轡以令舍亦縣轡於所當舍止之處使軍望見知當舍止於此轡所以駕舍故以轡表舍挈轡以令糧亦縣轡於所當稟假之處令軍望見知當稟假於此下也舍所以盛糧之器故以舍表稟軍中人多車騎難會難覓號令不能相聞故各以其物為表省煩趨疾於事便也欽定四庫全書

存明樓文集

六

賈氏釋曰皆云挈者謂結之於竿首挈挈然故云挈也蓋聖人用心之密至於如此孟子曰仰而思之夜以繼日幸而得之坐以待旦此誠繼日待旦之幾也先鄭推勘情事尤能發其義而斬駁浮說者乃撓挈壺氏以為戰國陰謀之書是必盡失邦國要幾而後止也經又曰凡軍事縣壺以序聚櫟凡喪縣壺以代哭者皆以水火守之分以日夜鄭氏註曰鄭司農云縣壺以為漏以序聚櫟以次更聚擊櫟備守也玄謂擊櫟兩木相敲行夜

時也代亦更也禮未大飲代哭以水守壺者為沃漏也以火守壺者夜則火視刻數也分以日夜者異晝夜漏也漏之箭晝夜共百刻冬夏之間有長短焉太史立成法有四十八箭注亦完晰經又曰及冬則以火鑿鼎水而沸之而沃之鄭氏註曰鄭司農云冬水凍漏不下故以火炊水沸以沃之謂沃漏也此尤可見研幾之密先鄭尤善發其微義非唐以後羣儒之所能注并非馬賈以下之所能注也

欽定四庫全書

存研樓文集
卷二

七

原勢上

盜賊之禍始於秦至漢而甚至晉北魏而又甚至隋而甚烈至唐黃巢而又烈至元明而禍甚烈張角足以亂漢王彌杜曾足以亂晉葛榮邢杲足以亂魏黃巢足以亂唐楊安李全足以亂金皆不能亡之而秦隋元明國遂破滅者何也秦輕改周轍隋不悟北魏之覆轍而明又蹈元之轍也上古之世分而為九州又分而為十二州又合而為九州中以封建萬國而方伯連帥統率之

後稍兼併然大率因其定勢故強國得以立至秦分為

三十六郡又益為四十郡地裂兵削陳勝吳廣起守尉

監亡以禦雖關中兵四出而不能救漢分為十三刺史

東漢因之雖罷郡國都試而刺史權日崇至晉亦裁益

為十九刺史九州之迹少復地有常界兵有常將其習

之也久其附之也深故張角雖起而不能亡東漢王彌

王如杜曾雖起而不能盡亡西晉孫恩盧循雖起而不

能亡東晉也宋齊梁陳州益分地益小兵益弱元魏亦

欽定四庫全書

存研樓文集
卷二

八

多析州制雖設行臺皆無補於勢故葛榮邢杲起而國

幾亡隋承齊周之後幸列鷹揚府衛兵充伍而州郡遂

夷為一又懲尉遲迥王謙之難忘葛榮邢杲之禍將舉

天下盡運之朝廷罷魏周總管府國勢渙而鎮將亡以

攝此張金稱翟讓朱粲輔公祏之所繇橫行而無憚也

唐分十道以河江淮關嶺為界採訪使統之折衝果毅

兵雖寢廢而節度府兵日盛自尹子奇田承嗣不能犯

江淮劉展袁晁裴南龐勛兵越界輒動雖以黃巢之桀